

Ecco alcune fra le sue poesie che parlano del Po:

### ***Mi e'l Po***

*Novembre 1968*

*A camin in salida  
schizzànd coi pié  
dla giòra e di ssassi  
e i-n t'al silenzzi dla nòt  
a ssènt sòl mè passi.*

*Ma rivà lassù in zzima,  
a ssènt subit la zò  
qualdùn ch'an dòrm brisa  
...e' l'gh'à anch di mò mò.*

*Più gonfi che mai  
Al Po i-n t'al ssò lét  
à l-s zira agità:  
l'e gròss, e l'è pròpi inrabià.*

*Intimidì da la pina  
-c' la m' ruz anch a dré-  
a'm zir anch'a mi  
e in dissésa a scap jé.*

Da: "Lo Strillone" 1980

### ***Zènte dal Po***

*A cant, ancora, a-cant dal vivar  
i patimenti disumàn  
ad quand – da bestie la fadiga: -  
l'an'jera brisa più granda  
ad quela granda d' un cristian.*

*A-cant dal fiume Po la zènte  
ch'la combatèva  
battaglie sì dure e tant cruenta  
par vinzzar la nemica fam  
con'na fèta ad polenta  
e un qualch grugnòl ad pan.*

*A-cant j'eroi dasmangà,  
i richi da spirit,  
j' ònesti, i puri  
e tuti i s' gnuri dl' umiltà.*

*Mi a – cant,  
a-cant la tèra dal varsùr svarsà,  
la zènt povrèta  
e'l sol cha l'ha scaldà.*

*Settembre 2001*